



CityKidz Kletsblad

CityKidz is baie opgewonde oor ons eerste Afrikaanse Kletsblad, geskryf deur ons CityKidz leerders. Daar sal weekliks 'n Kletsblad op Sosiale Media geplaas word.

Ons stel bekend ons span. Hulle skryf weekliks stories vir die Kletsblad wat deur Mev. de Kock en Mev. Strydom geredegeer word. Ons missie is om die liefde vir skryf te kweek...Die liefde vir skryf in Afrikaans....'n BONUS!!



Achter: Joy Okwonkwo, Remofilwe Leepile, Nonhlanhla Khumalo, Thamsanqa Ndlovu, Jordan Hoffman

Voor: Quinn Morgan, Rachael Banda, Jabulile Zondo

Volg ons op



Ons Flink-Dink woorde!!

verkeer (traffic) vakansie (vacation)
fiets (bicycle) geskenke (presents)

informasie (information)

Weес lief vir Jouself,
deur Nonhlanla Chantelle Khumalo

Hoekom is dit so moeilik om jouself lief te hê?
 Jy voel dat jy verskil,
 Jy voel anders.

Jy kyk in die spieël,
 Jy sien iemand,
 Maar wie?
 Wie kyk terug?

Wie wil jy wees?
 Jy hoef nie te weet nie...
 Wees wie jy is.
 Wees uniek.
 Wees lief vir jouself.

Gedigte

Trots op wie EK is,
deur Thamsanqa Ndlovu

EK staar na die spieël,
 EK sien myself,
 Nie een mens soos ek,

EK is kosbaar,
 EK is trots op wie EK is,
 My hare, my gesig,
 My persoonlikheid.

My lengte en my gewig,
 Die kleur van my vel,
 Uniek, van binne en buite.

EK is trots op wie EK is.

Gedigte

Die Rivier in die Oerwoud.
deur Jabulile Zondo

Eendag was daar 'n meisie en haar naam was Lethokuhle. Sy het in die Oerwoud saam al die diere gebly. Eendag het Lethokuhle en al die diere gesien dat die rivier baie droog is. Daar was omtrent niks water vir die diere om van te drink nie.

Kameelperd het aan 'n plan gedink: "Dink julle nie dat ons vir al die diere moet vra om in die bodem van die rivier te grou totdat daar weer water uitkom nie?"

Lethokuhle en die diere het gedink dat dit 'n baie goeie plan was en het vroeg die volgendeoggend opgestaan om aan die bodem van die rivier te begin grou.



Lethokuhle en die diere het die heel dag gegrou tot daar sommer baie water begin uitsyfer het.

Lethokuhle en die diere was so bly omdat die rivier weer vol water was. Hulle het besluit dat almal 'n beurt moet kry om wag te hou by die rivier. Hulle wil seker maak dat niemand te veel water drink nie.

Toe dit Renoster se beurt was om by die rivier wag te hou, het hy besluit om 'n bietjie ekstra water in sy huis te gaan stoor. Hy was so dankbaar vir die ekstra water, dat hy elke keer as dit sy beurt was, 'n bietjie ekstra water huistoe gevat het.

Skielik was daar niks meer water in die rivier nie, en die diere was vreeslik ongelukkig. Koning Leeu het agtergekom dat die rivier weer leeg is. Hy het ondersoek ingestel om te probeer vasstel wat van al die water geword het.

Koning Leeu en Lethokuhle het in al die diere se huise gaan kyk. Hulle het emmers vol water in Renoster se huis gekry. Koning Leeu was baie teleurgesteld en wou Renoster straf. Lethokuhle het vir Koning Leeu mooi gevra om hom nog een kans te gee.

Koning Leeu het besluit dat hy vir Renoster 'n waarskuwing gaan gee en hom nie gaan straf nie. Toe al die water weer terug was in die rivier, het Lethokuhle en al haar dierevriende gelukkig saam gelewe.





CityKidz – 'n Skool om op trots te wees.
deur Quinn Morgan en Jordan Hoffman



My skool is CityKidz Pre & Primary School. Dit is die beste skool in die dorp. CityKidz is 'n Privaat skool en baie nuwe kinders word daagliks in ons skool ingeskryf omdat hulle ouers ons vertrou om na hulle kinders te kyk en hulle baie slim te leer.

Ons skool brei vreeslik uit. Hulle is tans besig om 'n nuwe kantoorblok te bou. Dit is mooi en groot en skep 'n atmosfeer waar ouers en besoekers baie welkom gaan voel.

Ons het van die beste onderwysers. Hulle is baie goed opgelei en maak seker dat ons kinders slim geleer word. Ons skool is vanaf verlede jaar toegerus met Slim Borde (Smart Boards) in elke klas. Dit gee elke leerder die geleentheid om hulle kennis deur tegnologie te vermeerder.

Ons skool het ook 'n Naskool Sentrum waarheen kinders wat nie direk na skool kan huistoe gaan nie, veilig kan wees totdat hulle ouers hulle kan kom haal. In die Naskool Sentrum kry ons heerlike middagete en gekwalifiseerde onderwysers help ons met ons huiswerk.

CityKidz Pre & Primary School is definitief 'n skool om op trots te wees.

